

O le Faaipoipoga ma le Aiga ua Faauuina e le Atua

O le faaipoipoga i le va o se alii ma se tamaitai

Suesue:

Faitau le Mareko 10:6–9; 1 Korinito 11:11; ma le saunoaga leni a Sister Bonnie L. Oscarson, o lē sa avea muamua ma Peresitene Aoao o Tamaitai Talavou. Vaavaai mo aoaoga e uiga i le faaipoipoga i le va o se alii ma se tamaitai.



Ua aoaoina i tatou i tusitusiga paia, “A e ui lava ina faapea, e leai se tane pe a le o i ai le fafine, e leai foi se fafine pe a le o i ai le tane, i le Alii” [1 Korinito 11:11]. Mo le mauaina e soo se tagata o le atoatoaga o faamanuiaga o le perisitua, e tatau ona i ai se tane ma se ava ua faamauina i le maota o le Alii, o galulue faatasi i le amiotonu, ma tumau faamaoni i a laua feagaiga.

O le fuafuaga leni a le Alii mo Ana fanau, ma e le mafai e talanoaga po o faitioga lautele ona suia mea ua folafola mai e le Alii. . . . Ia avea i tatou ma tagata e puipuia le faaipoipoga e pei ona faauuina e le Alii a o faaauau pea ona faaalua le alofa ma le agaalofoa mo i latou e eseese

manatu. (Bonnie L. Oscarson, “O Tagata e Puipuia le Folafolaga o le Aiga,” *Liahona*, Me 2015, 15)

Talanoa:

- E faapefea e le faaipoipoga i le va o se tamaitai ma se alii ona fesoasoani e faataunuu “le fuafuaga a le Fofoa mo le taunuuga e faavavau o Lana fanau”? (“O Le Aiga: O Se Folafolaga i le Lalolagi,” ChurchofJesusChrist.org).
- E mafai faapefea ona tatou faaalua le agaalofoa ia i latou e eseese manatu a o puipuia pea le aoaoga faavae a le Faaola o le faaipoipoga i le va o se alii ma se tamaitai?

“Ia uluola, ma ia tumu ai le laolagi”

Suesue:

Faitau le Kenese 1:27–28; Salamo 127:3; Mareko 10:13–14; ma le saunoaga leni a Elder Neil L. Andersen o le Korama a Aposetolo e Toasefululua. Vaavaai mo aoaoga a le Alii e uiga i tamaiti.



Pe a tatou vaai atu i mata o se tamaitiiti, ua tatou vaai i se atalii po o se afafine o le Atua o lē na tatou tutu faatasi i le muai olaga.

O se faamanuiaga maoae mo se tane ma se ava le fanauina o ni fanau ina ia maua ni tino faaletino o nei fanau agaga a le Atua. Tatou te talitonu i aiga ma e tatou te talitonu foi i le fanau.

Pe a fanau mai se tamaitiiti i se tane ma se ava, ua la faataunuuina se vaega o le fuafuaga a lo tatou Tama Faalelagi i le aumaia o fanau i le lalolagi. Sa fetalai mai le Alii, “O la’u galuega ma lo’u mamalu leni—ia aumaia le tino ola pea ma le ola faavavau o le tagata” [Mose 1:39]. A o le’i oo mai le tino ola pea, e tatau ona i ai le tino faaletino. (Neil L. Andersen, “Tamaiti,” *Liahona*, Nov. 2011, 28)

Talanoa:

- E mafai faapefea e le vaai atu i tamaiti ma le aiga ma se vaaiga e faavavau ona fesoasoani i se ulugalii faaipoipo e faamuamua nisi o a laua faaiuga?
- O le a se mea e mafai ona tatou aoao mai le faataitaiga a le Faaola e faataata i le ala tatou te taulima ai ma mafuta ma tamaiti?

O LE EKALESIA A
IESU KERISO
O LE AU PAIA O ASO
E GATA AI